

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Promptuarium allegoriarum sacrarum praecipua fidei
christianae capita illustrantium: indice quadruplici
instructum post editiones 5 revisum, iam septimo
recusum**

Botsack, Johann

Francofurti ad Moenum, 1678

Articvlvs XVII.

[urn:nbn:de:bsz:31-142795](https://nbn-resolving.org/urn:nbn:de:bsz:31-142795)

ARTICULUS XVII.

DE PROPHETICO OFFICIO
CHRISTI.CHRISTUS INTERPRES PRO-
phetarum.

1005. Apoc. 5. vers. 2. *Signacula libri clausi Christus aperuit.* Clausus liber prophetarum scripta fuere, ob Pharisæorum fraudulentiam, prophetias adulterantium, ob propriam gentis Judaicæ cæcitatem & persuasionem de regno Messie corporali. Christus ergo signacula revulsit, clavem scientiæ suppeditavit, ut verus ille Propheta, mundo promissus, Deut. 18. vers. 15.

LEGIS INTERPRES

Christus.

1006. *Isaac novos puteos effodit, patriis per Philistinios corruptis,* Gen. 26. v. 18. post mortem Abrahami. *Isaac verus* Christus est, filius ille secundum promissionem patribus datam; *effodit & ille aperuitque* novos legis puteos, verum ejus sensum tradendo, quæ per *Esek* significatur. *Rechobod* Evangelium designat, à Christo revelatum, verè peccatori resipiscenti dilationem faciens. Uterque puteus ab Abrahamo, hoc est, Deo effossus erat, pro modo V. T. congruenti, sed obturatus per Pharisæos, lex horrendum depravata, vera de Messia futuro fides planè sublata, per temporales de regno illius imaginationes.

SUB CHRISTI LINGUA

mel & lac.

1007. Cant. 4. v. 11. *Lac & mel Evangelii doctrinam* designant, quæ ex ore Christi fluxit, Joh. 1. v. 18.

Ideo

Ideo sub lingua ipsius esse dicitur. Conf. Plal. 119. vers. 103. Ezech. 3. vers. 3. & cum d. l. ex Cant. Esa. 61. vers. 1.

CHRISTUS SIMILIS PROPHETA

Mosi, Deut. 18. v. 16.

1008. *Prophetam de gente tua & de fratribus tuis sicut me, suscitabit tibi Dominus.*

1. *Ratione missionis.* Moses à Deo missus erat; Ita & Christus, Esa. 61. v. 1.

2. *Missionis objecti cui.* Moses populo Dei missus erat: Ita Christus ad perditas oves domus Israel, Matth. 15. v. 24. Rom. 15. v. 8. Interim tamen Samaritanos & Cananæos non plane despexit, Joh. 4. v. 26. Matth. 15. v. 21.

3. *Generis.* Moses ex Judæis genus ducebat: Ita Christus, Hebr. 7. v. 14. Apoc. 5. v. 5.

4. *Immediata verbi acceptationis:* Moses à nullo propheta, sed Deo ipso legem accepit, Exod. 34. Ita Christus ex ipso patris sinu Evangelium attulit, Johan. 1. vers. 18.

5. *Verbi per miracula obfignationis.* Ita Christus variis miraculis doctrinam confirmavit, Marc. 16. vers. ult.

6. *Fidelitatis.* Moses fidelis Dei servus fuit, Hebr. 3. vers. 2. Apoc. 15. v. 3. Deut. 34. vers. 10. Num. 12. vers. 7. Multo magis Christus, qui toties fidelis Dei servus audit, Esa. 42. vers. 1. cap. 43. vers. 10. cap. 49. v. 6. cap. 53. v. 11.

CHRISTUS VERUS PROPHETA.

1009. I. Sam. 3. v. 1. *Tempore Samuelis sermo Dei pretiosus erat & visio non manifesta. Samuel vero, fidus Dei sacerdos cepit predicare nomen Domini, cui idem sepa-*

se patefecerat. Tempore Christi, sermo Domini pretiosus erat, Matth. 9. v. 36. visio non erat manifesta, caligantibus nimirum fidei oculis, traditionibus antiquorum effascinat. Verus autem Samuel Christus, fidus ille sacerdos, nomen Domini prædicavit, seque verum prophetam esse ostendit, & fidelissimum testem, Zach. 9. v. 10.

CHRISTUS OMNIA PROPHETARUM munia implevit.

1010. *Que erant* 1. Ecclesiæ extraordinaria gubernatio.

2. Doctrinæ cœlestis propagatio.

3. Legis interpretatio.

4. Cultus instauratio.

5. Peccantium reformatio, 2. Sam. 12. v. 7.

6. *Vaticinatio* de futuris. Omnia apprimè Christo congruunt. Ad 1. pertinet ementium vendentiumque flagellatio, Matth. 21. v. 12. &c. Ad 2. Esa. 61. v. 1. & Matth. 5. v. 17. Ad 4. Matth. 15. v. 3. Ad 5. Matth. 23. Ad 6. Matth. 24.

CHRISTUS MAGNUS PROPHETA,
Luc. 7. v. 16.

1011. 1. *Persona*, Deus enim & homo est in una persona; magnum hoc pietatis mysterium, 1. Tim. 3. vers. 16.

2. *Opere*, 1. Magnitudine brachii, quâ nos liberavit.

2. Misericordiæ, Num. 14. v. 18. quâ peccata condonavit.

3. *Virtute*, Eph. 1. v. 19.

4. *Principatu*, Dan. 12. v. 1.

5. *Pontificatu*, Hebr. 4. v. 14.

6. *Sacerdotio*, Hebr. 10. v. 21.

7. *Pastoris officio*, Hebr. 13. v. 20.

CA.